



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Francisci Toleti S. R. E. Cardinalis Svmma Casvvm
Conscientiæ, Sive De Instrvctione Sacerdotvm Lib. VII**

Toledo, Francisco de

Coloniæ Agrippinæ

46. De fraude.

urn:nbn:de:hbz:466:1-40916

scitur huiusmodi leuitas materiae ante apertio nem: & si, non cognita, aperiuntur literae, mortale est, nisi in aliquibus causis.

Primus, quando, qui aperit, probabiliter cognoscit esse in damnum proprium illas conscriptas, vel in damnum tertij, praesertim communis alicuius.

Secundus, cum est superior: & sic Prælati subditorum literas aperiunt.

Tertius, cum apertio sit cum ratihabitione; quia speratur rationabiliter, quod ille, cui mittuntur, id ratum habebit, & acceptabit. Hæc de proditione.

Defraude.

C A P V T XLVI.

Qvara filia Avaritiae, est fraus, quæ sic describi potest, *Deceptio alterius opere exhibita.* In qua descriptione sunt duæ partes.

Altera est, *Deceptio alterius.* Est autem decipere, falsam estimationem in alterius animum inducere, & ille actus, qui, mediante hoc sit, dicitur deceiptio.

Altera pars est, *opere exhibita:* nam deceiptio aliquando fit solis verbis, & dicitur dolus seu fallacia, aliquando vero fit etiam factis, vt, cum vendo pro libra, quæ non est libra: & haec dicitur fraus. Vtrumque autem, tam dolus, quam fraus filij sunt Avaritiae. Sed nunc de fraude agamus. Procedit autem fraus ex astutia, quæ est vitium contra prudentiam. In cuius gratiam aduerte, prudentiam esse quandam virtutem, qua circa bonum finem media conuenientia applicamus: disponit enim prudentia media bona ad finem bonum. Cum ergo sint duo in prudentia, & finis bonus, & media bona, duplex ei vitium opponitur.

Vnum est ex parte finis, cum quis intendit finem malum, & huic media proportionata, siue bona, siue mala secundum se aptat: & vitium hoc dicitur prudentia carnis; vt, qui, intendens occidere inimicum, vel committere adulterium, media apta applicat.

Alterum est ex parte mediorum; vt, cum quis bonum aut malum finem intendens, excogitat media mala, sed apta fini, & dicitur astutia. Exemplum est in illo Villico Luc. 16. qui,

ut, ablata villicatione, haberet, unde viueret, media mala; sed apta excogitauit, nemp̄ remittere debitoribus domini sui par tem debiti, quod quidem ei non licebat: fuit in hoc astutus: quamvis quia illum finem fecit sibi ultimum, dum postposuit diuinum praeceptum, non defraudandi ipsius consecutione, fuit etiam prudentia carnis, quia finis fuit malus. Astutia autē solum est in excogitandis medijs: ipsorum verò excusio ad dolum, cum verbis, ad fraudem, cūm operibus sit pertinet. Est autem fraus ex suo genere peccatum mortale, & de facto est peccatum mortale, nisi excuserur duplice causa; aut quia materia est leuis; ut, qui fraudem facit in bāiocco vel quattrino, aut, licet sit in magna quantitate, tamen non fuit intentio defraudandi; tunc enim, cum ignorantia interfuit, excusatio est peccati: tamen cūm primum veritas cognita fuerit, tenetur, qui fraudem commisit, reddere quod per fraudem accepit; aliter peccat mortaliter, ac si intentionem habuisset, & manet obligatus ad restituendum. Prudentia carnis & astutia mortalia sunt, versantur, alia sunt venialia. De his vide S. Thom. 2.q.55.

De fraude in emptione, ratione iniusti pretij.

C A P V T XLVII.

Qvia fraus praecipue in emptionibus & venditionibus committitur, ob id, in particulari de his aliqua tractanda sunt; cumq; multiplicitate proueniat fraus in his contractibus, prima radix est, ratione pretij. In cuius gratiam notandum est, iustum in pretio esse duplex.

Vnum est legitimū, & hoc est, quod lege aliqua taxatum est & definitum.

Alterum est naturale, quod nulla lege est taxatum, sed iusta rei valorem Valor autem hic duplicitate sumitur.

Vno modo à communi existimatione bonorum mercatorum: tantum enim valet res, quantum communiter tali loco & tempore aestimatur, ut habetur leg. pretia. ff. ad leg. Falcid.

Altero modo, cūm non est res, quæ communiter vendantur arbitrio mercatoris alicuius prudentis & intelligentis, ut habet Sylu. verb. emptio. §.7. De vitroq; isto iusto, tam legitimo,

quam